

[ლიტურგია წმიდისა პეტრესი].

• fol. 51 r 1. მღდელმან : უფალი თქვენ თანა.

ერმან : და სულისა შენისა.

მღდელმან აღიდოს გაღობამ : დიდებამ მაღალთა
შინა ღმერთსა.

ერმან მიუგოს : ქუეყანასა ზედა მშვედობამ ვიდრე
დიდება ღმერთისა მამისა, ამინ.

და მერმე მოიქცეს მღდელი, ერსა ჯუარი
დასწერდეს და თქუას¹ : უფალი თქვენ თანა.

ერმან : და სულისა.

2. მღდელმან თქუას : ვილცდით. და თქუას გმა
მაღლად ლოცვამ ესე : მღჰსადღე უფალო მორწმუნე-
თა შენთა მარჯუენა ზეგარდამო შეწევნისამ, რამთა, რა-
მელსა იგი ჯეროვანადა² ითხოვენ, წარუშართეს, უფლისა
ჩუენისა მიერ იესუ ქრისტესა, რომლისა თანა ცხოველ ზარ¹³
და ჰსუფევ შერ, ღმერთო ჩუენო, ერთობითა სულისა
წმიდისათა ყოველთა საუკუნეთა უკუნისამდე.

ერმან : ამინ.

და თქუან წმიდაო ღმერთო წესისაებრ.

3. დიაკონმან : ძღუდეთ.

მგაღობელმან ფსალმუნი დავითისი. და თქუ-
ან წარდგომამ და მერმე ბავლე და აღილუიამ
და შემდგომად აღილუიამსა, რამელი იგი
საზარებასა წარიკითხვიდეს, თქუას : უფალი
თქვენ თანა.

ერმან : და სულისა. და თქუან თავისაგანი ვის-
იცა იყოს საკითხავი.

¹ თქუას. — ² სიე.

ერმან : დიდებამ შენდა, უფალო. და ვითარცა
დაასრულოს საზარებამ, ამის წილ დიდებამ შენდა
უფალო, ერმან თქუას : მადლობამ შეგწირეთ უფლისა.

4. მღდელმან : უფალი თქვენ თანა.

5. ერმან : და ხულისა.

მღდელმან : ვილოცოთ.

მგალობელთა აღიღონ სიწმიდისა და შეშვი-
ყვანონ სიწმიდე.

5. მღდელმან ლოცვამ : გვედრებით შენ, ყოვლისა
10 მპყრობელი ღმერთო, წყალობასა შენსა ჩუ დამაკლებ
ჩუენ, რამეთუ შენითა აღსარებითა წმიდისა სამებისათა
გურწამს ჩუენ ცხოვნებამ.

ამადღება : ყოველთა საუკუნეთა უკუნისამდე.

ერმან : ამინ.

10. მღდელმან : უფალი თქვენ თანა.

ერმან : და ხულისა შენისა.

6. მღდელმან : გურწამს ერთი ღმერთი.

ერმან : მამა ყოვლისა მპყრობელი, ვიდრე სრულიად.

და აღიპყრას მღდელმან ცამ.

20. 7. დიაკონმან თქუას : ვდგეთ კეთილად, ვდგეთ • col. 81 v
მიმით.

ერმან : წყალობა, მშვედობა.

მღდელმან : მადლი უფლისა ჩუენისა. ვიდრე
სრულიად.

21. ერმან : და ხულისა.

მღდელმან : ზემცა არიან გულნი თქვენნი.

ერმან : გაუქუს უფლისა მიმართ.

მღდელმან : მადლობა შეგწირეთ უფლისა.

ერმან : ღირს არს და მართალ.

20. მღდელმან გმა ყო ს მადლად და თქუას : ჰუმ-
მართლად ღირს არს და მართალ, შეუნიერ და ცხოვნება
მარადის და ყოველადგი მადლობისა შეწირვამ ჩუენ მიერ,
უფალო წმიდაო, მამაო ყოვლად ძლიერო, ღმერთო საუკუ-

ნეო, ქრისტეს მიერ ღმრთისა ჩუენისა, რომლისა მიერ დიდებასა შენსა აქებენ ანგელოზნი, თაყუანის ცემენ უფლებანი, ძრწიან გულმწიფებანი, ცანი და ძალნი ცათანი, ხანატრელნი ხერაბინნი ზოგადითა გაღობითა მსახურებენ, რომელთა თანა ჩუენთაჲა გმათა შეწყნარებაჲ პრძანე გვედრებით მონებრივითა აღსარებითა და ვიტყვით.

8. ერმან წმიდა არსი.

მდდელმან : მიიღეთ და ჭაბეთ. ერმან : ამინ. მდდელმან დასწერეს ჯუარი მსხუერძლსა და თქუას : ხუთ ამისგან. ერმან : ამინ.

9. მდდელმან ღოცვამ : შენ უკუე სახიერო და კაცობოყუარო მამაო, ქრისტე იესუმს მიერ მისა შენისა და უფლისა ჩუენისა შეკვედრებით და გვედრებით, რაითა შეიწირო და აკურთხო ქნიჭი ესე და გარდასიავლინო ხული წმიდაჲ წინამდებარესა ამას ძღუენსა ზედაჲ და მსხუერძლსა ამას ზედაჲ შეწყნარებად ხათნოდ, რომელსა შევსწირავთ შენდა პირველად წმიდისათჳს კათოლიკე ეკლესიისა შენისა, რაითა დაამშვდო და დაიცვა და შეაერთო და განამტკიცო კიდითჲან ვიდრე კიდედმდე ქუეყნისა, თანა მონით შენით, პაპით ჩუენითურთ და წინამძღვრით და ეპისკოპოსით ჩუენით.

10. მოიგხენენ იგინი, უფალო, იგინი და მოწანი შენნი და მსახურნი შენნი და ყოველნი წინამე შენსა მდგომარენი და ყოველნი ქრისტეანენი მართლმადიდებელნი.

11. მომიგხენე მეცა, უფალო, უღირსი ესე მონაჲ შენი, მიღწინე შე და ყოვლისაგან უსჯულუებისა განმწმიდე და ყოველნი ესე გარემოჲს მდგომარენი, რომელთა იგი ხარწმუნობამ ცხად არს წინამე შენსა და უწყი საგმარი შენდა შემწირველთაჲ მსხუერძლსა ამას ქებისაჲ, მდდელმან ამას ადგილსა გელი დახდვას პურსა მას ზედა წმიდასა, რომელსა მათოვხ თითოეულად და ყოველთა,

საგსრად ხელთა მათათაჲს, სასოებად ცხორებისა და სიცოცხლისა მათისა შერ მიგვემთ თხოათა ჩუენთა საუკუნეა ღმერთსა ცხოველსა და ჭეშმარიტსა.

12. და ვესიარებით და შოვიცხენებთ მომავალნი პირველად დიდებულსა და მარადის ქალწულსა¹ მარიამს, დედასა უფლისა ჩუენისა იესუ ქრისტესა და ნეტართა მღვდელთა და მოწამეთა : პეტრეს, პავლეს, ანდრეას, იაკობს, იოვანეს, თომას, იაკობს, ფილეპეს, ბარტოლომეს, მარკოსს, სიმონს, თადეოზს, ლინის, კლიტის, გლიმენტოს, ქისტის, კორნილიოზს, კპროიანეს, ლავრენტის, ხრიზოდორის, მარტინეს, იერონიმოსს, ამბროსის, ავდუბერტინეს, გრიგოლის, ისიდორეს, ბენედიქტეს და ყოველთა წმიდათა შერთა. მათანა ყავ ჩუენდა ნაწილი შეგიგრებით, და გვედრებით, და ყოველნი მცნებანნი შერთი გუასწავენ და წარგვმართე ქრისტე იესუმს მიერ უფლისა ჩუენისა.

13. ამას უკვე, კუალადცა მღვდელმან აკელი დახდას ეგროვე, მხუერპლსა მონებისა ჩუენისა და ყოვლისა ერისა შერთისა ვითხოვთ შენგან, უფალო, კეთილად შეწყნარებულად შეიწირე, რაითა დღენი ჩუენი მშვედობითა შერთა განაწიხნე და საუკუნომსა ვნებისაგინ მიცხნენ ჩუენ და რჩეულთა შერთა ხამწყლობა შეგუაერთენ ჩუენ ქრისტეს მიერ უფლისა ჩუენისა. • fol. 52 v

14. ესე უკვე მხუერპლი, კუალადცა ეგროვე აკელი დახდას, შერ დმერთო ყოვლითურთ ქაჟროხეული ქ გამოხაზული ქ აღსარებული ქ საწამებელი სათნო ყოფად დირს ყავ, რაითა გუეკმნეს ჩუენ ქ გორგი ქ და სისხლი საყუარელისა ძისა შერთისა და უფლისა ჩუენისა იესუ ქრისტეხი, რომელმან პირველ დღისა ერთისა ვნებისა თხისა, ამას ადგილსა მღვდელმან წმიდასა მას პურსა აკელითა უბყრას და მცირედ ადამაღლოს და თქუას : მოიდო პური წმიდათა და უზრწნელთა აკელთა

¹ ქალწულისა.

მისთა ზედა და აღიზილნა თუალნი თჳსნი ზეცად შენდა
 მიმართ ღმრთისა და მამისა თჳსისა და ყოვლად ძლიერისა,
 შენ გმადლობდა † აკურთხა და განტეხა და მისცა წმიდათა
 მისთა მოწაფეთა და ჰრქუა¹: მიიღეთ და ჭამეთ ამისგან
 ყოველთა. ესე [არს] გორცი ჩემი. ეგრეთჳც შემდგომად
 სერობისა. მღდელმან ბარძიმი ზე აღიპყრას და
 თქუას: მოიღო სასმელო² წმიდითა და კურთხეულითა
 გელითა მისითა, შენ გმადლობდა, † აკურთხა, მისცა მოწა-
 ფეთა მისთა და ჰრქუა¹ მიიღეთ და ხუთ ამისგან ყოველთა,
 რამეთუ ესე არს სახუშელი სისხლისა ჩემისამ, ახალი და
 ხალკუნთა მუკული საიდუმლოდ ხარწმუნებრებისა, თქუენათჳს
 და მრავალთათჳს დათხეული მისატევებრელად ცოდვათა,
 * 161. 53 † ამას რა³ოდენსა ვაწყე ყოფად, ჩემდა მოხატებრებრელად
 ყოფდით.

15. ვინაჲა ჩუენცა მოვიგებრებთ, მღდელი² მოდრკეს
 ქუე საკურთხეველისა წინაშე, უფალო მოხანი
 შენნი და ერი წმიდამა ქრისტეს ძისა შენისა, უფლისა და
 ღმრთისა ჩუენისა ხანატრელსა ვნებასა, ჯოჯოხეთს
 მთახლვასა, მკუდრეთით აღდგომასა და დადებით ზეცად
 ამაღლებასა და მარჯუენით შენსა დაჯდომასა. და შეესწი-
 20 რავთ შენდა დიდებულეებისათჳს დიდებისა შენისა მადლთა
 მადლთა შენთაგან მოცემად ჩუენდა † მსხუერპლი უბიწო,
 † მსხუერპლი წმიდამ, † მსხუერპლი პატიოსანი, † ბური
 წმიდამ ცხორებისა ხალკუნთამ, † და ხასმელი ცხორებისა
 ხალკუნთამს.

16. რომელთა მიერ მოწყალითა და ხაჩიერითა პირითა
 მოხედვა ღმრს ირინე ნაწილისა მოღებად, ვითარცა შეწირ-
 ვად ჯერ ირინე ძღუენი მოხნისა შენისა ანელ მართლისამ
 და მსხუერპლი მამად მთავრისა ჩუენისა ამბაჰამისი და
 ვითარცა იგი შეიწირა³ შენდა პირველმან მღდელმან შენ-
 20 მან მელქისედეკ წმიდამ მსხუერპლი უბიწო და კეთილად
 შეწყნარებული.

¹ სქუა. — ² Sie. — ³ მღდელმან.

17. და მოდრგეს მდდელი წინაშე წმიდისა
 საკურთხეველისა და განმარტნეს გელნი
 მახლობელად შეხამოსელისა საკურთხეველი-
 სასა და ბ გზის მცირე მცირე აღემატოვს და
 5 შესამესა ზედა დახზნეს გელნი რქათა ზედა
 საკურთხეველისათა ეგრეთვე განმარტებულად,
 ზოლო პირითა ამბობს უყოს საკურთხეველსა
 და ამახ ღოცვახა იტყოდის : შეგივრდებით და
 გვედრებით შენ, * ყოვლად ძლიერო ღმერთო, ბრძანე * fol. 53 v
 10 შეწირვად გელისა ანგელისა შენათა სიმაღლესა საკურ-
 თხეველისა შენისა წინაშე საღთისა¹ პირისა შენისა,
 რამთა, რომელთაცა მოვიდოთ საკურთხეველისა ამისგან
 ნაწილი უზრუნველსა და წმიდისა ძისა შენისა გორცისა და
 სისხლისა, ყოვლისა კურთხევისა და მადლისა ზეგარდა-
 15 მომთა აღვივსნეთ ქრისტე იესუს მიერ უფლისა ჩუენისა.

18. კუალადგა მოიგესენ, უფალო, სახელნი მათნი,
 რომელნი გუფევედრებიან¹ ჩუენ ბეჭდად საწმუნოებისა
 შესვნებულთა ძილითა მშჯდობისაჲთა, ამათ და ყოველთა
 ქრისტეს მიერ განსუენებად ადგილსა ფუფუნებისაჲსა,
 20 ნათელსა შინა და მშჯდობასა ; შენდობად მათდა გვედრებით
 ქრისტეს იესუს მიერ უფლისა ჩუენისა.

19. ზოლო ჩუენ ცოდვილთა მანათა შენთა, რომელნი
 ვესავთ სიმაღლესა მოწყალებათა შენთასა, ნაწილი კუთ-
 25 თა თანა და მოწამეთა : იღვანეს თანა და სტეფანეს, მარტა-
 თას და ბარნაბას, ეგნატის და აღეკხანდრეს, მარკელისეს
 და პეტრეს, ფილიპიტას, პერპეტუას, ადათის, ლუკიას, აღ-
 ნის, კლიკილინას, ანასტასიას, სოფიას და ყოველთა თანა
 წმიდათა შენთა ყავ ჩუენიცა ნაწილი, არა ჩუენისა ღირსე-
 30 ბისაებრ, არამედ შენისა მოწყალებისაებრ გვედრებით ქრის-
 ტე იესუს მიერ უფლისა ჩუენისა, რომლისა მიერ, უფალო,
 ამახ ყოველსა კეთილსა ყოვლადვე იღუწი, წმიდა ჰყავი,

¹ Sic.

ცხოველსა ჰყოფ, † აკურთხევ და მღვდნებ ჩუენ. † † †, მის
შიერ და მისგან და მისთანა იყავნ შენდა ღმრთისა და
მამისა ყოვლად ძლიერისა, ერთობითა სულისა წმიდისათა
ყოველი პატივი და დიდება.

• fol. 54 r ამა დღეჲსა : ყოველთა საუკუნ¹ეთა უკურთხამდე.

ერმან : ¹ ამინ.

20. ამა დღეჲსა. ვილცოცთ. საღმრთოთაგან მღვდურე-
ბისა სწავლულნი² და მაცხოვრებისა მოსაგებებელთაგან
განსწავლულნი ვიკადრებთ და ვიტყვთ :

ერმან მამო ჩუენო.

მღდელმან : რამეთუ შენი არს ხუფეკა.

ერმან¹ : ამინ.

მღდელმან : მშჯდობა უფლისა იყავნ ყოვლადვე
თქუენ ყოველთა თანა.

ერმან : და სულისა.

დიაკონმან : თავნი.

ერმან¹ : შენ უფალო.

21. მღაღმან ლოცვაჲ : გავხენ ჩუენ, უფალო,
ყოველთაგან ბოროტთა მომავალთა და მოწყვლულთა მცე-
ხებითა ჩუენთჲს სანატრელისა, დიდებულისა, მარადის-
ქაღწეულისა ღმრთისმშობელისა მარიამისითა და დიდებუ-
ლისა შიქაელ მთავარანგელისათა³ და წმიდათა მოცი-
ქულთა შენთათა⁴ : პეტრე, პავლე, ანდრია, ბართლომე
და ნეტარისა ბენედიკტისითა, ყოველთა თანა წმიდათათა,
მღმრე ჩუენ ღმრთისა და მშჯდობაჲ დღეთა შინა ჩუენთა,
რამთა საყარველითა წყალობისა შენისათა შეცვლნი ყოვ-
ლისაგან ამოღებისა ვიპოვნეთ შეუძლეოებელნი⁴ ქრისტეს
იესუს შიერ უფლისა ჩუენისა, რომლისა თანა ცხოველ ხარ
და მსუფეჲ, ღმერთო, ერთობითა სულისა წმიდისათა.

22. გა[ა]ნაწილდხ წმიდაჲ იგი პერი საპად
და აღიდოხ ერთი ნაწილი, დაიჭირდხ ზედა

¹ ამინ. — ² სწავლულთა. — ³ Sic. — ⁴ შეუძლეოებელი.

წმიდასა ბარძიმსა და თქუას ამადღება : ყო-
ველთა ხაუტუნეთა უკუნისამდე.

ერმან¹ : ამინ.

23. მღდელმან აღიდგო პეტრე იგი წმიდაჲ.

და აკლეს მან თქუას : მღსფფუთ !

მღდელმან : წმიდაჲ წმიდათა.

ერმან¹ : ერთ არს წმიდოი.

მღდელმან : მშჯღობა უფლისა იყავნ თქუენ ყოველ-
თა თანა.

24. ერმან : და სულისა შენისა.

24. ერმან განიცადე თქუას კ ჯერ : ტარიგო
დმრთისაჲ, რომელმან აღიხუენ ცოდვანი სოფლისანი,
შეგვწყალენ ჩუენ. ტარიგო დმრთისაჲ, რომელმან აღიხუენ
ცოდვანი სოფლისანი, მოშვე ჩუენ მშჯღობაჲ. ტარიგო
დმრთისაჲ, რომელმან აღიხუენ * ცოდვანი სოფლისანი * Col. 54 +
შეგვწყალენ ჩუენ.

და შემდგომად ჴიარებისა ყოველთასა მღ-
დელმან თქუას : უფალი თქუენ თანა.

ერმან¹ : და სულისა.

25. და უკმაციყვანონ სიწმინდე.

26. დიაკონმან თქუას : ვიდოდეთ.

მღდელმან ღოცვამ ერისა განტევებისაჲ :
კურთხეულ არს დმერთი, რომლისა ძიერ უხრწნელსა
კორცხა და პატოსხანსა სიხსლსა მისსა ჴიარებად ღირს
ვიქმნენით, მანვე თაჲადმან გუაგურთხენინ და დაგვცენინ
ჩუენ ყოველნი, აჴ და მარადის.

ერმან¹ : ამინ.

მღდელმან : უფალი თქუენ თანა.

ერმან¹ : და სულისა.

27. მღდელმან : ვაკურთხეთ უფალი.

ერმან : დიდებამი შენდა უფალჲ. და თქუან კ : იყავნ

¹ ამინ.

სახელი უფლისა კურთხეულ ამიერი. და შეუდგინონ :
ვაკურთხოთ უფალი ყოველსა ყამსა.

მოდელმან : კურთხევა უფლისა იყავს თქვენ ყოველ-
თა ზედა, ყოვლადვე, აჲ და.

27. ერისა განტევებანი კათალიკენი იმ : მუ- 5
ყეო, უფალო იესუ ქრისტე, ძაცხოვარო ჩუენო, რომელმან-
ღირს მყვენ ჩუენ დიდებისა შენისა ჴიარ ყოფად წმიდათა
და ცხოველს მყოფელთა საიდუმლოთა შენთა მოღებოთა,
რომელთა მიერ მომცე ჩუენ სიკუდილისა და აღდგომისა
შენისა სახე აღსრულებად, რომელთა მიერ წმიდად დამიც- 10
ვენ ჩუენ, მოგხენებად მადლისა შენისა მარადის, რამთა
შენდა ცხოველ ვიყვნეთ ჩუენთჱს მომკედრობა და აღდგო-
მილისა. ჩუენ თანა შემწირველთა ამით და რომელთა სად-
მრთოთა საიდუმლოთა შენთა ჴმსახურეს, ნაწილი კეთილი
მიჴმადლე მათ და მრავალი კადნიერებაი წინამე ზამინელი- 15
სა საყდრისა შენისა, რამეთუ მერ ხარ ჴუმმარიტი ღმერთი
ჩუენი და ცხოვრებაი საუკუნომ და შენდა დიდებასა მეცხ-
წირავო თანა მამით და სულით წმიდით, აჲ.

28. სხუა ერის განტევება კათალიკე : ღმერთო
ყოველთა მჩილველო და გულთმეცნიერო.